

Nu is elk un een de Leste

IN D' LUUR

Holger Janssen

redaktion@on-online.de



De Leste kunn van Glück seggen, wenn Moder noch en Sluckje heet Water överharr, bevör dat in d' Baadwann gung. Anners wurr de Liewark mit koll water wusken. Daar kunn Opa 'n Leed van singen. He was meestied de Leste und muss sük mit dat behelpen, wat hum sien Bröörs in 'd „Balli“ överlaten hebben. So hebben se de Baadwann nöömt. So'n „Balli“ giff dat ok in Auerk. „De Baalje“ heet daar dat Swembadd. Nu is dat wiss wat groter as Opas „Balli“. Wenn he noch leven würr, muss he abers seker doch smüüstern. Wiel dat so düür worden is, dat Water warm to hollen, hebben se daar de Temperatur andaal dreiht. „Tja“, würr Opa nu seggen. „Nu is daar elk un een de Leste.“
